



partii naleraq

UKA 2015/96-01

12.11.2015

Siunnersuisoqarfimmik inunnik akiitsoqartunik siunnersuisinnaasumik ikiuisinnaasu-millu pilersitsinissamut periarfissat pillugit nalunaarusiornissaq pillugu Naalakkersuisut peqquneqarnissaannik Inatsisartut aalajangiiffigisassaattut siunnersuut. Siunertaasusaaq tassaavoq akiitsut annikillisarniarlugit immikkut ilisimasallit ikiortigalugit akiitsoqartunik akeqanngitsumik siunnersuisarnissaq. Nalunaarummi taamatut siunnersuisoqarfimmi suliassat suuneri aammalu immikkut ilisimasallit tassunga iluaqutigineqarsinnaanersut nassuiarneqassapput, kiisalu taamatut siunnersuisoqarfiliorerup ingerlanneqarnera Landskarsimut qanoq ukiumut akeqarumaarnersoq. Nalunaarusiaq 2016-imi ukiakkut ataatsimiinnissaq sioqqullugu naammassereerneqarsimassaaq.

(Inatsisartuni ilaasortaq Naaja Nathanielsen, Inuit Ataqtigiiit)

Inatsisartuni ilaasortaq Naaja Nathanielsen, Inuit Ataqtigiinneersup, Siunnersuisoqarfimmik inunnik akiitsoqartunik siunnersuisinnaasumik ikiuisinnaasumillu pilersitsinissamut periarfissat pillugit nalunaarusiornissaq pillugu Naalakkersuisut peqquneqarnissaannik Inatsisartut aalajangiiffigisassaattut siunnersuutaa Partii Naleqqamiit imannak oqaaseqarfigissuarput.

Akiitsut ikilissarniarlugit immikkut ilisimasallit ikiortigalugit akiitsoqartunik akeqanngitsumik siunnersuisarnissaq Partii Naleqqamiit soqutiginarparput, tassami ineqarnermut akiitsuinnaalluunniit eqqarsaatigingaanni, ukioq manna aggusti qaammat tikillugu, suliassat pisortat inissiaataanniit anisinneqartussat katillugit 907-it politiiut suliassanngortinneqarsimasut assersuutigineqarsinnaapput.

Takorloorutsigulu suliassat taakkuinnaat piffissamik qanoq annertutigisumik atuiiffiutigissanersut, naatsorsuutigineqarsinnaassooq, akiligassanik akiliisitsiniarneq, isumaqtigiiissusiorniarnaq qanoq erloqinartigisinnaasoq.

Taamaattumik inatsisartunut ilaasortap Naaja Nathanielsenip siunnersuutaa isumaqtiginartortalerujussuuvoq, kisianni aamma siunnersuisarneq eqqarsaatigalugu Partii Naleqqamiit isumaqarpugut, akiitsoqalinnginnissaq siunertaralugu siunnersuisarneq, imaluunniit

anigaasanik aqutisinnanermut pikkorissartitsinerit neqeroorutigineqarsinnaaneri ilanngullugit eqqarsaatigineqartariaqartut isumaqarpugut.

Taamaammatt nalunaarusiornissami taamatut siunnersuisoqarfimmi suliasat suuneri aammalu immikkut ilisimasallit tassunga iluaqutigineqarsinnaanersut nassuiarneqarnissaannut qulaani siunnersuupput ilanngunneqassasoq kaammattuutingaarput.

Soorunami siunnersuisoqarfiliornissat pilersinneqarnissaat, qassiuussanersoq, illoqarfinnilu sorlarni inissisimassanersut aamma ingerlanneqarnerinut Landskarsimut qanoq ukiumut akeqarumaassanersut paasissallugut soqutiginarput.

Kisianni soorunami anigaasaqarnikkut ingerlatsineq pillugu Nalunaarummi pisortanut akiitsut nalunaarsorneqarsimallutillu sunut agguataarsimaneri allattorsimasut takusinnaavagut. Partii Naleqqamiit isumaqarpugut aamma akiitsut immikkoortiterluarneqarnissaat pisariaqartoq, tassa naluneqanngimmat tusartaannaratsigulu, ilaatigut inuit utoqqanngortut aammalu utoqqalinersiutaannarnik isumalluuteqalersimasut, uviusup imaluunniit nuliaasup akiitsorisimasaanik artorsaatigeqisaminnik akilersinnaanngisaminnillu “kingorngussisimasut”. Allallu innarluuteqalerneq imaluunniit arlaannik pissuteqavillutik inuussutissarsiorsinnaajunnaarneq pissutigalugu akilersuisinnaajunnaavissimasut isumakkeerneqarnissaat Partii Naleqqamiit isumaqarpugut pisariaqartoq.

Taama naakkaluamik oqaaseqarluta siunnersuut taperserlugu ataatsimiititaliami susassaqartumik suliarineqarnissaa inassutingaarput.